



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Avla ... Thesavorvm Dei In Passione D. N. Iesv Christi  
Effusorum ad Resvrrectionem Mvltorum**

**Eyschen, Georg von**

**Coloniæ, 1655**

§. 159. Misit ad eum vxor eius. v. 19.

**urn:nbn:de:hbz:466:1-45515**

est invidia, quia sicut rubigo est venenum ferri, sic invidia cordis humani; & sicut viperas dicunt abrupto ventre matris natci, sic invidia concipientem animam dirumpit.

Itaque Domine Deus meus ab hoc malo libera me, quia nemo potest tantum mali inferre suo proximo, quantum sibiipsi homo infert hoc peccatum admittendo.

§. 158. Sedente autem illo pro tribunali.

Tribunal sedes est iudicis, ad audiendas causas, & testimonia, & ad sententiam ferendam, dum ergo federet pro tribunali Pilatus, uti iudex constitutus à Romanis, ut secundum iustitiam iudicaret, tontem perden-  
do, insontem liberando, & defendendo illæsum, nullo habito respectu  
vel honoris proprij vel aduersariorum principum, debuisset per senten-  
tiā simpliciter latam dimittere Iesum Innocentem, & reum Barabbam  
declarare & punire pro meritis, & illo etiam dimisso per suffragia populi,  
adhuc absoluere Iesum. Hoc Agens recte fecisset.

**D**omine Iesu, si quando pro tribunali sedere debeo ex officio, vt mi-  
nistrem iustitiam sive in politico, Foro fori ut vocant, sive Foro in-  
teriori seu cœli audiendo confessiones pénitentium, non habeam obse-  
cro respectum ullum ad fauorem vel principum vel amicorum petitio-  
nem, sed quod iustum est iustificem, quod virtuosum vituperem non minas  
vel aduersantium vel spem præmij præ oculis habens, sed solam ipsam  
iustitiam.

§. 159. Misit ad eum vxor eius, v. 19.

En iterum in scenam passionis Dominicæ procedit fæmina anteā ser-  
ua & ancilla in domo pontificum, nunc in Domo Præsidis, Domina, prin-  
ceps, ut & illa conditio feminarum non exulet à Passione Domini. Sed quid  
agit illa? per eam nunc tremoram astutia diaboli parat, ad impediendum  
bonum salutis generis humani, inquietat igitur illam per somnum, & sug-  
gerit, vt ipsa impedit mortem Christi, *quia iustus esset*. intelligit credo nunc  
demum diabolus per Christum se spolia sua amissurum, sicut ergo primum  
per mulierem mortem intulerat, ita per mulierem vult nunc Christum  
de manibus Iudeorum liberare, nec per eius mortem mortis amit-  
tat imperium. Nec sine dispensatione diuina id ita factum est, vt scilicet  
eius innocentia, dum inique condemnatur plures & varios haberet testes.  
Ita nimurum. Nemo innocens adeo opprimitur, quin aliquos habeat in-  
nocentia suæ testes. Job, Susanna &c. veniant nobis in memoriam,  
quomodo salvi facti sunt.

O quam

**O** quam pulchra est innocentia! certè si videri posset oculis corporis mirabiles lui in se excitaret amores. O Iesu Innocentissime, O Iesu mansuetissime & pro me pati cupidissime, O Iesu iustissime, fac me, O Iesu honorare & imitari hasce virtutes tuas ut & ego quoque aliquod harum virtutum possim habere testimonium coram te & hominibus in veritate.

§. 160 Dicens: nil tibi & iusto illi v. 19.

Accipio hæc quasi deceret: Cauē ô marite: ne fer sententiam mortis etiam volentibus Iudeis, quia iustus est iste Iesus, qui dicitur Christus, nam et si decesserit, quæ probarent eius innocentiam, uti sunt examen Testium, vacillatio accusatorum, evidētia non facti, mores probi, fama sancta &c. ego tamen ostento diuino extra ordinem naturæ ad contestandam eius innocentiam urgeor &c. Bonum Testimonium! sive à diabolo hoste salutis humanæ processerat, sive à Deo. Sed quod Deus ordinavit in bonum, diaboli astutia mutari non potest in malum: Existimo Deum permisisse hoc somnium & missionem hanc ad Pilatum ex speciali gratia in remunerationem, quod conatus sit toties etipere Christum, ab impiorum manibus) ut confortaret animum Pilati vacillantem & timidum ad iustitiam propugnandam, & manus suas innoxias servandas, ne reus fieret mortis Christi & salvari posset quandoque propagata fide Christiana, aut se postmodum excusare non posset de ignorantia virtutum & innocentia Christi, cum fuerit ita solicite admonitus per uxorem, solent enim uxorum preces & monita multum valere apud maritos.

**V**ere iustus es Domine & rectum iudicium tuum in omnibus testante id omni creatura tua, quia semper intendis bonum & salutare, semper jubes sancta: ideo & ego te obsecro mi Deus, ut ad imitationem tuam nunquam ullum malum intendam sive cogitando, sive loquendo, sive operando, ut tu possis glorificari per me in omni tempore.

§. 161. *Multa enim passa sum hodie per visum propter eum. v. 19.*

Rationem allegat mulier quare maritus abstinere debeat à sententia mortis Christi, quia multa passa fuisset eo die & per visum propter Christum, notat tempus per verbum hodie quod fuerit circa id tempus quo congregati fuerant principes in domo Pilati ad accusandum Christum, & ipse Pilatus pararet se ad tribunal concendendum, quod erat circa Germanorum horam à media nocte nonam, sed ab ortu solis mōre Iudeorum computando prope horam tertiam, in æquinoctio, VIII. Cal. Aprilis nec solum passa est propter Christum sed & vidit multa, quæ autem viderit augitor fuisse horrenda supplicia eorum, qui contra Iesum starent accusantes,